



FACULTY	EDUCATION		
DEPARTMENT	DEPARTMENT OF INTERMEDIATE AND VOCATIONAL EDUCATION		
SUBJECT	OSHINDONGA LANGUAGE EDUCATION 3B		
SUBJECT CODE	E3772IO		
DATE	NOVEMBER 2025		
DURATION	3 HOURS	MARKS	100

NOVEMBER FIRST OPPORTUNITY EXAMINATION

EXAMINER: DR P. HENOK

MODERATOR: MRS T. T. NEGONGA

INSTRUCTIONS

1. Number your questions correctly and clearly.
2. This paper consists of 4 pages including this cover page.
3. Answer ALL the questions in this paper.

UNIVERSITY EXAMINATIONS

OSHIPOPOLWA A

Yamukula omapulo taga landula mpaka:

Epulo 1

- 1.1. Fatulula kutya okatendo oshike. (3)
- 1.2. Oku na omatompelo ogendji gokunyola. Tumbula nokufatulula po **gatano** gomugo. (5)
- 1.3. Omulandu gwokunyola ogwo omukalo gwokunyola nuukeka nohagu landula oonkatu **ntano**. Dhi tumbula noku dhi fatulula paufupi, (10)
- 1.4. Okunyola oku na uukwatya mbono hawu vulu okulandulwa. Omapekapeko oga mona kutya ope na uukwatya **uhamano** wOkunyola nokusipela okuwanawa. Wu fatulula paufupi. (12)

[30]

OSHIPOPOLWA B

Epulo 2

Lesha okahokololo taka landula "**Embugalopo**", opo wu ka yamukule omapulo taga ka pulwa.

Embugalopo

1. Omusamane Londodha okwa li a tungila olukalwa lwe momukunda Namibia, gumwe gwomomikunda odhindjidhindji moshilongo Afrika. Omusamane nguno okwa li e na oyana aamati, naakadhona naatekulu oyendji. Omukadhi Ligola okwa adhika a ninga nale omukulu gwonale. Esiku limwe oyana mbono ya adhika ya toya, nokwe ya tutha, oye ya oku mu talela po. Ongulohi yimwe manga ya hungila, Londodha okwe ya yile mo ta ti:
2. "Yana yandje, pakalalekeni omakutsi, ne mu umbile omeho komeho konakuyiwa. Oshi na sha nonakuyiwa yeni yene, yaana yeni noyomukunda aguhe Namibia. Aakulu yonale oye tu umbeni nale omuhe, ye tu yakela ko ya ti: "Nakwaalombwelwa no yi niiso paantu." Ngame wo onda hala ndi mu londodhe, mu londoke. Ne mu londodhe wo aakalimo yomomukunda gwetu. Lyo elondodho li ende okayendanampadhi, li ye okawi nokawi, li thike wo nokomikunda dhopuushiinda, nosigo omoshilongo ashihe, nongele oshi vulike, li thike wo kiilongo ayihe. Londodheni, ne mu londoke embugalo.
3. Muumbangalantu womukunda gwetu omwa li omitunda nomilondo nomithitu, dha fa ofenya. Nena ndjino iimeno oyindjiyindji, ya lethekwa po, aantu ya ninge omalukalwa.
4. Onkwandambi ohadhi pondola, hadhi tu kandulile po omikundu. Ohatu dhi mbugaleke po niituthi yetu yoludhi kehe. Ohatu dhi mbugaleke po wo nokuhaasila

oshimpwiyu. Omavu ngaashi ekondo nelaka, ombulwa, epunga onyango niikwawo, oyo omuthetekipo gwiimuna. lithitukuti, uudhila, oondhila omuntu ohe dhi letheke po noomwigo, omautati nonoondjembo. Ta humbata ihe iipandi. Otapu hupu ngaa sha?

5. lipuka yomomeya, ngaashi oohi nayo ongashikwawo. Oyi li monkugo yi n' onkambe. Oombautu, oosikepa, oonete noondjolo odha longekidhwa dhi kwatithwe oohi niipuka iikwawo, mefuta, momilonga momadhiya nomiishana.
6. Kiimeno nokuunamwenyo nandi ze ko. Natu tale kembangalekepo Iyevi. Molukolo lwevi omwa kala omamanya guuyamba; okawe, ongopolo, oulaniuma, iikwamahooli, nayilwe. Ayihe mbika ohayi hadhwa mo nokufulwa mo nomamushina nomambakumbaku omamunenene. Evi tali yonagulwa notali kanitha uutalelo.
7. Opu na nee aambugaleki yomeya. Pwaa na omeya, aantu, iimeno, niinamwenyo ayihe itayi kala nomwenyo. Ominino ndhoka hadhi eta omeya koshigwana oto adha ethimbo limwe dha tsipulwa nomeya ohaga talama nduno nenge ga tondoke apehe mpo.
8. Huginina, embugalopo lyewangandjo. Momukunda Namibia omu na oofambulika tadhi longo iinima ya yooloka. Ohamu zi nduno omalwithi nomazigombepo ngoka taga nyateke ombepo yohapi ndjoka aantu niinamwenyo taya pumbwa.
9. Osha yela kutya nani aashitwa oyo aambugalekipo yuunshitwe, yiimeno, niinamwenyo. Onkee, yashitwa, yana yandje lungameni ne mu kotokele embugalopo. Londokeni! Dha londoka.....

Onzo: Pyokola Elaka, ondondo 7.

- 2.1 Gandja kutya elalakano lyomunyoli moshinyolwa shika olini. (2)
- 2.2 Gandja elongo okuziilila mokaleshwa "Embugalopo". (2)
- 2.3 Gandja enenedhiladhilo lyokatendo kehe: okatendo 3, 5, 9 (6)
- 2.4 Tumbula oludhi lwoshinyolwa shika. (2)
- 2.5 Fatululila aalongwa yoye kombinga yomaludhi giinyolwa tayi landula, e to gandja iiholelwa yiipalanyolo yomatotwahokololo ngaka:
 - a) Etotwahokololo ekwakundjondjomona
 - b) Etotwahokololo ekwakuhololola
 - c) Etotwahokololo enkwakuntompathana (9)
- 2.6 Mokudheula aalongwa yoye, ya nyole iinyolwa ya za oona, aalongwa oya pumbwa okulongitha iipopiwamayekele nomayeletumbulo, ngaashi naanaa ga longithwa mokaleshwa haka "Embugalopo". Fatululila aalongwa yoye yOndondo 6 iitumbula tayi landula, mekwatathano lyokaleshwa.
 - a) Omukadhi Ligola okwa adhika a ninga nale omukulu gwonale.
 - b) Esiku limwe oyana mbono ya adhika ya toya, nokwe ya tutha, oye ya oku mu talela po.

- c) "Yana yandje, pakalalekeni omakutsi, ne mu **umbile omeho komeho konakuyiwa.**
- d) "Nakwaalombwelwa no yi niiso paantu."
- e) Lyo elondodho li **ende okayendanampadhi, li ye okawi nokawi** (10)

[31]

OSHIPOLWA SHA C

EPULO 3

3.1 Omusindalongo otagu pula aalongi ya dheule aalongwa mokulesha oshileshwa nokutungila ko omadhiladhilo ga ka tamununwe, nokweeta po iinyolwa yoludhi lumwe, lwa yooloka kwaashoka sha leshwa.

Gandja elombwelo lya yela kaalongwa yOndondo 7, ya ka ete po oshinyolwa sholudhi lumwe, sha tungilwa kedhiladhilo lya kuthwa mokaleshwa oko tuu haka: "Embugalopo". (3)

3.2 Longitha okahokololo oko tuu haka "Embugalopo," e to tumbula nokufatulula nkene, iimpungu yelaka ine tayi vulu okumbwindakanithwa motundi yimwe. (8)

3.3 Longitha okaleshwa haka "Embugalopo", opo wu vute po omapulo gomaludhi taga landula. Gandja epulo limwe koludhi lwepulo kehe, gandja wo omayamukulo komapulo ngoka.

- a) Epulo lyokuhogolola po eyamukulo lyomondjila
- b) Epulo lyontseyo
- c) Epulo lyeuvoko
- d) Epulo lyetulomiilonga
- e) Epulo lyetalongushu (10)

3.4 Elongekidho lyoshileshwa/lyotundi yokunyola oli na iitopolwa oyindji. Hokolola nkene etalululo lyotundi li li oshitopolwa sha simana komulongi nokaalongwa. (6)

3.5 Hokolola omikalo hamano dhokuhumitha komeho okunyola. (12)

[39]

[100]